



Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 2/2022-imi Inatsisartut ilaliinissaannik siunnersuut: Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa nunani avannarlerni killerni naalakkersuisut inuusuttunut tunngasunik suliassaqartinneqartut 2023-mi naapisinneqassasut ulluinnarni atukkat, peqqissuseq, sunngiffimmi soqutigisat, inuit akornanni qarasiaatigut attaveqatigiittarfiit qulequttallu allat attuumassutillit eqqarsaatigalugit nunani pineqartuni pingasuni inuttut qanoq inissisimanerat pillugit misilittakkanik paarlaasseqatigiinnissaq aamma misissuinerik kisitsisitigullu paasissutissanik paarlaasseqatigiinnissaq siunertaralugu, taamaaliornikkut inuusuttut eqqarsaatigalugit ataatsimut ajornartorsiutit suussusersineqarnissaat ataqatigiisumillu suliniutigineqarsinnaasut eqqartorneqarnissaat siunertaralugu.

Aallartitat siulittaasuat Kim Kielsen
(Siullermeenera)

Nunat Avannarliit Killiit Siunnersuisoqatigiiffianut qujanaq nunat avannarlerni inuusuttut immikkut pinqarnerulernissaanik eqqummaariffiginninnerinut.

Qularutigineqarsinnaangilaq inuusuttut atugassarititaasa unammillernarneri nunat akimorlugit ullumikkut atuuttuummat. Inuusuttunut naatsorsuutit piumasaqaatillu tunniunneqartartut assigiikannertuupput. Soorlu ulluinnarni ajornartorsiutit aamma assigiikannersinnaasartut.

Taamaattumillu inuusuttuunerup silarsuaani misilittagarineqartut avitseqatigiiffiginissaannut isumassarsiatsialaavoq.

Matumani Islandimi ukiut tamaasa misissuinerit ingerlanneqartartut tulaterfigineqarluarsinnaapput, maanili nunatsinni aamma misissuilluarsinnaavugut, misilittakkat ilisimasarlu atorluarumallugit. Uanilu Islandimi misissuineriit periuserineqartoq atortorissaarutigineqartullu apeqqutigineqarsinnaapput, uagut nammineq nukippassuarnik atuainngikkaluarluta.

Island Savalimmiullu inuusuttut akornanni pimmatiginnittarneq aammalu imigassamik cigaretimillu atuineq annikillisarnissaanut suliniutit nutaaliernerillu aallartisarnikuusimavaat. Alapernaaffigilluartariariaqarparput qanoq allaanerusumik iliornersut, qanorlu taama iluatsitsigineraat. Eqqarsaatersuutigisariaqarparpullu maani nunatsinni atorluarsinnaanerigut.

Demokraatit kaammattuutigerusuppaat teknologi atorlugu periarfissat ataatsimiinnerillu nittartakkatigut pisinnaaneri atorluarneqassasut, takujuminaatsipparpummi tikillugit peqataalluni ataatsimiinnernut suut tunngavilersuutit pitsaasuunersut. Nittartakkatigut ataatsimiinnerit aamma angalanikkut aningaasartuutit Naalakkersuisuniit ingerlanneqartut milliserujussuartarpat.

Taamatut oqaaseqarluta siunnersuut akuerineqarnissaa innersuussutigaarput.